



Nos ta sigur cu majoria di damitanan di awendia maske ta un biaha a jega di haña un serenada serca cualkier pretendiente. Nos lo no kier a basa riba e damitanan, sino mas bien riba e pretendientenan aki. Nos lo tabatin gana di sabi cuantu di e pretendientenan aki, un dia lo a bisa su querida mama "Mama bin sinta un ratu. Mama lo mester ta basta cansa di hasi trabao henter dia. Sinta sosega mama su curpa, y mientras tantu ami ta toca un bunita piesa pa mama tende". Nos no ta bisa cu no tin jovennan cu sa haci e gracia aki cu nan mama, pero esnan cu tini ta asina escaso, cu hasta nos por bisa, mejor e no tabata artista, pasobra e persona cu mas lo aprecia su talento, esta su mama, ta esun delater cu ta scuchele. Na cas di familia Toppenberg den Companashi, nos camera a capta e popular integrante di Trio Huasteca, Etty Toppenberg, ta toca un piesa pa su mama tende. Lo tabata un bon idea pa un que otro musico di cualkier instrument lo por a prepara algu especial pa su mama pa dia di mama, esta diadomingo awor.